

Bosna i Hercegovina

Federacija BiH

Kanton Sarajevo

Skupština Kantona Sarajevo

n/r g. Elmedin Konaković, Predsjedavajući

*Komisija za obilježavanje, čuvanje i negovanje  
historijskih događaja i ličnosti*

#### ZASTUPNIČKA INICIJATIVA

#### ZA PROMJENU IMENA ULICE „NERKESIJINA“ U „BRACE (Muhameda i Bakira) REPOVAC“

Šesta radna sjednica Skupštine Kantona Sarajevo

Predlažem da se ulici Nerkesijina ne samo vrati prethodni naziv (Ul. Muhameda Repovca) već da novi naziv bude „Braće Repovac“ (Muhameda i Bakira Repovac).

#### OBRAZLOŽENJE:

Smatram da Sarajevo kao glavni grad BiH, narodi i građani BiH i Sarajeva, ne trebaju i ne smiju da se stide svoje antifašističke i partizanske prošlosti. Moramo biti ponosni na nju, danas više nego ikada prije. Moramo se sjećati žrtava fašizma i onih koji su se protiv njega aktivno borili. Ne smijemo sklanjati i skrivati njihova imena već ih javno isticati.

Borba protiv fašizma je zavjet koji su nam naši djedovi, očevi, stričevi, daidže, amidže, ostavili u amanet. Ta borba se ne vodi samo puškom. Po mom mišljenju, kada dođe do puške – to znači da smo već izgubili, da smo omanuli, da smo prespavali, da smo popustili i dopustili fašizmu da se ponovo probudi i razmaše.

Antifašizam nije ideologija, već moralna obaveza svih progresivnih građanki i građana, omladine, intelektualaca. Borba protiv fašizma mora biti konstantna, akademska, građanska, individualna, društvena, kulturna. Ko istoriju ove zemlje, ovog grada i ovih ljudi nepravедno, silno i bahato briše i skriva, ko deložira muzeje, spomenike, spomen sobe – neka se ne nada pravdi i razumijevanju za sebe.

Preuzeću dio teksta Vlastimira Mijovića:

**“Muhamed i Bakir Repovac** u ranoj mladosti bili su istaknuti članovi komunističke omladine u Sarajevu. Zbog toga su bili često hapšeni i zlostavljani. Njihov angažman u antifašističkom pokretu koštao ih je i života. Muhamed je bio sasječen u komade četničkim kamama u pokušaju da dostavi hranu i odjeću partizanskom odredu u Mokrom, a Bakir je zvjerski mučen u sarajevskom leglu zločinca Maksa Luburića.” (Umro je na putu ka Jasenovcu.)

Sarajevo, 26.03.2019. godine

Nezavisni poslanik u Skupštini Kantona Sarajevo

Damir Nikšić